

Christi Servatoris, haecenus expeditam dedimus: superest, ut de posteriore etiam, quae officium Christi tam sacerdotale, quam regium exponit, breviter dispiciamus.

2. Hac autem vice de sacerdotali duntaxat officio, quod durante humiliationis sive ἐκένωσεως statu à Christo fuit peractum, & Mediationis ac Redemptionis nostrae opus respicit, nobis erit disquisitio.

3. De hoc Confessio nostra his verbis disserit, natus ex Maria virgine, verè passus, crucifixus, mortuus & sepultus; ut reconciliaret nobis Patrem, & hostia esset non tantum pro culpa originis, sed etiam pro omnibus actualibus hominum peccatis.

4. Humiliationis isthaecesse, ac proinde plena usurpationi illius gloriae atq; Majestatis, quam humanae Christi naturae realiter vi unionis hypostaticae communicatam fuisse, nuper demonstravimus, minimè competere, nemini potest esse dubium.

5. Profundissima ergò ἐκένωσις, & quasi abdicatione domini ac communicatae Majestatis, quoad plenarium ejus usum, caro Christi toto illo tempore, quod Redemptionis operi perficiendo erat destinatum, quodque inter primum conceptionis ortum & Resurrectionem intercessit, uti voluit.

T 3

Et